

Saluton!

Bulteno de la Esperanto-Societo de Ŝikago

N^o 1

Januaro, 2012



Karaj legantoj de "Saluton!" – tiuj, kiuj estas kun ni dum longaj kaj samtempe fulme flugantaj 7 jaroj, kaj tiuj, kiuj ĵus porokaze aliĝis al legado – dankon pro via atento, toleremo, bondeziroj kaj riproĉoj, dankon, ke Vi restas kun ni: feliĉan 2012 jaron!!! Jam aperis pli ol 85 sinsekvaj regulaj monataj eldonoj de la bulteno, espereble estos aperita la centa numero, kio signifas: ni – preparos, vi – legos, ni kune – ĝuos. Ni promesas teni altan enhavan nivelon ankaŭ en la venonta jaro.

Sendube, la pasinta jaro havas multajn gravajn eventojn en la funkciado de nia E-societo kaj E-movado ĝenerale: estis elektita nova prezidanto d-ro Leszek Kordylewski, jaran agadon kronis gaja Zamenhofa tago, en nia ukraina partnerubo Kijivo okazis vica kongreso de TEJO.

Sed okazis io malĝoja – ni perdis du niajn sindonajn membrojn, ankaŭ internacian E-teatron forlasis por ĉiam vigla energia aktorino Vida Jerman (nekrologo aperos).

Sed estu ni eternaj esperantoj!!!

–La Redakcio

Mesaĝo de UEA-Prezidanto (mallongigita)



Saluton, kunfestantoj de la Zamenhof-tago 2011, la 26an de Julio 2012 E-o festos sian 125-jaran datrevenon. Tiu jubilea jaro komenciĝas nun. Laŭ mi la baza klopodo de la E-kolektivo – atingi la internaciajn forumojn, bazitaj sur nia Uneska rezolucio de 1954, motivita per nia starpunkto rilate la lingva

justeco kaj la homaj rajtoj – tro ofte reliefigas koliziemon kontraŭ difinitaj maljustaj aranĝoj kaj strukturoj. Por unuopa esperantisto, ne plu estas klare, kiamaniere ni povas persone esperantisti en nia vivado. Kompreneble nia partopreno en la kampanjoj kaj nia deflanka vivado al la atletoj, kiuj niavice kuras sur la internaciaj kurejoj, povas doni iom da senco al nia vivo. Sed la interna ideo de Esperanto bezonas ion pli. Ni estu rezolute kaj ĝisoste movado de memkonsciaj gastoj de la tero, kiuj lernas gastigi unu la alian. Tio ne nepre signifas, ke ni ĉiuj devas tujtuje fariĝi mediismo-kleraj agitantoj (vidu en mia ĉi-tema bloga afiŝo la klarigojn pri "Modelo Sep" por tio, kion mi sugestas al la aktivaj mediistoj inter ni), sed la esperantisteco ja havu por ĉiu el ni vivipovan personan senco. Hodiaŭ mi proponas al vi realigeblan jubileo-jaran kampanjon, per kiu vi ĉiuj povos ekde 2012 teni pli alte la verdan standardon en viaj loĝlokoj kaj viaj landoj. En la barata saĝo oni diras, ke elefanto instruas al la eksteruloj per siaj dentegoj, sed al sia intima rondo per la buŝinternaj dentetoj. Utilas do dividi la predikon en dentegan parton aleksteran kaj dentetan parton por la samideanaro.

La aleksterana versio de la Zamenhof-taga ideo

Ni ĉiuj ĝissate aŭdis pri malnova mezuro, la tiel-

nomata I-Kvo, la inteligento-kvociento. En la lastaj jardekoj ni foje aŭdas ankaŭ pri piednoto al la I-Kvo; ĝi sin nomas la E-Kvo, la emociinteligento-kvociento. En lingvoj kun aparta kvo-tipa litero oni uzas la formojn IQ kaj EQ, kiujn ni evidente ne kapablas legi per niaj kompatindaj esperantistaj okuloj, do mi helpas min per la anstataŭajo "Kvo". Nun aŭskultu, mi petas.

Mi proponas, ke ni vendu al la publiko post I-Kvo kaj E-Kvo novan kvocionon, kiun ni nomu A-Kvo – la amikec-kvociento. Atentu vian rajton paralele nomi ĝin afablec-kvociento, agrablec-kvociento, se tio helpas viajn tradukojn en la etnajn lingvojn. La oficiala nomo estu simple A-Kvo, kaj ni uzu la vorton "amikec-kvociento" kiel la plej kutiman dismeton de la akronimo en nia lingvo. Al la ekstera mondo, ni maksimume simplu. La marko A-Kvo (aŭ AQ, en alfabetoj uzantaj tiun literon) kaj iu laŭlingve elektita vorta dismeto de tiu akronimo klarigu sin mem. Anstataŭ verki komentariojn pri tiu marko, mi nun transiru de tiu ĉi ekzotera sektoro al la esotera laboro de la elefantobuŝaj dentetoj.

La samideanara versio de la Zamenhof-taga ideo

En niaj propraj medioj ni devas ekde nun, krom kultivi Esperanton mem kaj ĝiajn konatajn plukonstruaĵojn, vendi al nia verda publiko la markon Esperanto-pluso. Treege longe ni ofereme pioniris la altkvalitan internacian gastigadon. Ni bonvenigadis eksterlandajn gastojn sur la skalo de kolektivaj aranĝoj kaj en niaj hejmoj per aŭ malper Pasporta Servo. Kun ama zorgo kaj kun laŭregione diversgrada rigoro ni kunmetadis kongresojn, kunloĝadojn, restadojn plej diversajn. Ni maksimumigis la fizikan aŭ kulturan komforton de niaj gastoj. Tiu gastiga etiko fariĝis nedisigebla parto de la esperantisma kulturo. Ni ĉiuj scias tion. Ni konsideru tiun tagorderon atingita. Nun temas pri Esperanto-pluso, kaj monda ekonomia krizo donas al ni tre

taŭgan okazon por lanĉi ĝin, kvankam ni kompreneble diru ne tion, sed ke spronas nin la magia cifero 125.

Denove, por ke plej simplu kaj disvastigeblu la ideo, mi proponas, ke la marko Esperanto-pluso estu sia propra komentario. Ĝi estu diverse interpretata de la diversaj uzantoj kaj ... vastigantoj. Tamen, ĉar iuj el vi ŝatas ekzemplojn, mi sendas la ekzemplo-legemajn interesitojn al mia bloga afiŝo, en kiu troviĝas pli plena konkretigo de la propono: krozu al probaleo.blogspot.com.

Ĝenerale dirite

Mi proponas, ke Esperanto-pluso temu pri la sondado de la kutime vualataj kaj embarasaj malagrablaj nuancoj, kiuj ĉirkaŭas la surpodiajn momentojn de legitima gloro en niaj kongresoj, niaj kunloĝadoj k.s. Ni bonvenigu ne nur la interesajn planojn, sed la tuton de la sperto gastigi, inkluzive la sentojn de sendanka sinofero kaj aliajn klavojn, kiujn la esperantista sperto senintence premas, foje lacigante aŭ kuspante nin. Mi proponas al vi metodon por pli verve sperti nian unikecon, ol ni foje sukcesas sperti en niaj ĝisnunaj – tute ne subtaksindaj kaj absolute nepre daŭrigendaj – metodoj esperantisti.

Mi ja ne volas sugesti, ke mankus al ni individua ludemo kaj humurkapablo. Mi volas emfazi, ke ni nesufiĉe ligas la libron Humoroj (de Auld, mi faras metaforan uzon de la titolo) al lia pli konata epopeo La infana raso, kiu estis dediĉita al la heroo de Montevideo kaj kiu plej evidente esprimis la sencon de la esperantismaj streboj. Niaj italoj foje faris el unu poemo en Humoroj kanton, el kies teksto ĉi tie citindas:

–per skarpo malpura kovras vintra pejzaĝo sian vizaĝon, kaj kraĉas sur ĉies planojn.

Kraĉas ankaŭ sur la strategiajn planojn. Ni devas preteriri tiun vintran humoron per pluaj humoroj indaj al la plenrajtaj kaj tial esperantistaj anoj de tiu “infana raso”, kiu sin nomas – la homaro.

–*Amike, Probal Dasgupta, Prezidanto de UEA*

Zamenhofa Tago' 2011



Jam train fojon (oni povas diri – tradicie, ĉu?) ni festis Zamenhofan tagon ne en etna restoracio, bankedforme, sed en gastsalono de kompanio “Vilaĝa Verdeco” (angle – Village Green). Sed bongustajn manĝaĵojn de mediteranea kuirarto ni ricevis el restoracio “Kebob”, kies mastro Rani naskiĝis en ĝemelurbo de Ŝikago, jordania ĉefurbo Amano. Solenaĵojn ĉeestis gesamideanoj de tri usonaj ŝtatoj: Indianao, Viskonsino kaj, kompreneble, Ilinojso (ĝenerala foto – vd retejon). En la ĉeesto de gravega persono – vic-konsulino de Pola Respubliko Aleksandra Krystek, prezidanteco de nia E-societo (post ses jaroj) esti glate transdonita de V. Pajuk al d-ro Leszek Kordylewski. Sukcesojn al li! Kaj redakcio esperas ricevi lian programon de la agado.

Kultura (post la kulnara) programo estis ankaŭ riĉa: oni havis eblecon aŭskulti voĉojn de kvar (!) muzikiloj: gitaro (Den ludis dum 2 horoj), piano, fluto kaj violono – la lastan voĉigis juna Taisia Kolganov (vd foton). Krome, ni ricevis Zamenhofotagajn salutojn de UEA prezidinto Renato Corsetti, prezidanto Probal Daŝgupta, gesamideanoj de Milano (Italio), Lucerno (Svisujo), Beogrado (Serbio), Kijivo (Ukrainio). Do, ĝis la Zamenhofa tago 2012! –*V. Pajuk*

Adreso:

Esperanto Societo de Ŝikago
p/a Viktoro Pajuk
8228 O'Connor Dr., # 2F
River Grove, IL 60171
(773) 344-2276
www.esperanto-chicago.org

Estraro:

Prezidanto – D-ro Les Kordylewski
Vicprezidanto – Roberto Stalzer
Eksprezidanto – Viktoro Pajuk
Sekretario – Gertrude Novak, MD
Kasisto – Karlo Gunn

MEMBROKOTIZOJ

Membro-subtenanto: \$40 jare;
Familia membro: \$30,
Regula: \$20
Studento aŭ pensiulo: \$10.

Gifts are welcome also.
Dues are needed for the routine expenses of the Society and reported on our website.

Check should be payable to the Esperanto Society of Chicago, and mailed to our Treasurer, Charles Gunn
828 S. Ada St,
Chicago IL 60607-4105

KUNSIDOJ

Okazas kutime la kvaran mardon de ĉiu monato en:

**Sulzer Regional Public Library
4455 N. Lincoln Ave., Chicago, IL
Kunvenoj komenciĝas
je 7 p.t. en la Suda
Konferenca Salono, unua etaĝo.**

SEKVANTAJ KUNSIDOJ

24an de Januaro – vivon kaj agadon de Tibor
Sekelj prezentas V. Pajuk

28an de Februaro – Sepideh Laal: “Persujo,
patrolando mia!..”